

We ok nicht mer denne halve wachte hedde, sal nicht denne eyns bruwen, unde to jowelkeme bere sal me nicht^{a)} mer hebbin denne twe^{b)} unde twintich verdil moltes unde ver^{c)} pannen waters unde tho deme drangke VIII thovere waters.

Unde^{d)} dat is darumme gemynnert, dat me so vele er up eyn ander jar an bruwen wel, nemeliken to sancti Bartholomeus¹⁾ dage, unde me sal denne darumme loten, wer de ersten X ber bruwen sullen. Dar mach sek eyn jowek na weten to richtende.

Ok sal me nu over eyn jar to sancti Bartholomeus¹⁾ dage wedir an bruwen unde me sal umme de ersten theyn ber denne loten.

Item^{e)} we ock twige bruwet, sal $1\frac{1}{2}$ mark to schote geven. Hefft he aver mer guder to verschotende, sal he mer geven, als et gesat is.

We ok eyns bruwet, de sal XVI $1\frac{1}{2}$ β to schote geven. Hefft he mer, sal he mer verschoten. Desgelik we ock bermolt verkopet, de sal dat holden mit deme schote, als eff he de verbruwede, unde sal to allen den gesetten des bruwendes verbunden sin also de bruwere.

Ok ensal neymant boven sine gesette molt verkopen sunder twe eder dre vertil ane geverde.

Ok^{f)} ensal neymant vor winachten mer denne eyns bruwen unde de bruwere ensullen neymande de^{g)} pannen oversetten, he enhebbe eynen eygen kettel, dar^{h)} X ghelten in gan, unde darmede in de neyberschop to verlehenende holden, als de raid settenⁱ⁾ wordet, unde des to lehenende so neymande weygeren,

^{a)} Vor nicht durchstrichen up diit jar. ^{b)} twe unde am Rande. ^{c)} ver durchstrichen, dafür am Rande 8. ^{d)} Dieser und der folgende Absatz durchstrichen. ^{e)} Durch Zeichen an diese Stelle gewiesener Zusatz auf Bettel d. ^{f)} Fol. 5. ^{g)} Ursprünglich stand na wynachten de pannen. ^{h)} dar bis gan durchstrichen. ⁱ⁾ Geändert in gesat hefft.

¹⁾ Aug. 24.